

武  
林  
金  
石  
記

武林金石記第二卷

錢塘 丁敬 敬身

學宮碑刻

南宋高宗御書石經

春秋今存三十二碑

尚書今存六碑

易經今存二碑

詩經今存十碑

禮記今唯存大學碑一片中庸一碑

論語七碑

孟子十一碑

右碑高八尺橫三尺分四層小楷書字徑三分半論孟碑字稍大可六分

萬曆杭州府志云正德十年巡按監察御史朱廷佐檄知府留志淑遷仁和縣學石經於戟門外兩廡道統十三贊於尊經閣下大學士丹徒楊一清爲記曰監察御史□郡宋君廷佐奉命按治浙江之暇嘗求所謂石經者曰在仁和學因往視之多斥棄瓦礫中曰噫噫此南宋太學中故物也胡傾斥至是哉乃進杭州府知府留

君志俶問其故留君稽閱志籍蓋宋高宗初渡  
江都臨安卽詔建學養士紹興二年手書易書  
詩春秋論孟中庸儒行諸篇刊石於學京兆尹  
趙礪老建尊經閣以儲之二十四年復製宣聖  
洎顏曾以下七十二賢贊并李伯時舊所繪像  
皆刻石置之學理宗紹定五年又以所製伏羲  
以來道統贊刻之附諸石經之末宋亡學廢西  
僧楊璉真伽謀運致諸石爲寺塔址賴廉訪經  
厯申屠致遠之力而止然亦僅存其半矣後改  
學爲西湖書院諸殘碑實在焉國朝洪武十二

年卽書院建仁和學宣德二年巡按御史海虞  
公訥慨石經殘缺屬知府盧玉潤收集之得全  
刻及斷毀者若干分麗其中天順三年改置縣  
學於今所具諸石悉徙以從四十年於茲宋君  
曰歲久而廢物理固然惟茲盛典廢莫之興則  
有由矣豈不以學宮尊崇於郡蒞茲土者朔望  
廟謁春秋釋奠亦惟知有郡學縣雖有學概莫  
之至焉知所謂石經者而葺之乃檄府命移置  
諸石於府學焉屬留君理其事又命通判咸寧  
喬遷董工役因徙圖像於尊經閣下登以頌覽

石經及表忠觀諸碑則徙於樞星門北之兩偏  
周廊覆之既甃既堅其屋之數左二十有一楹  
右如之石之數圖像十有五贊八易一書七詩  
十春秋四十有八論語孟子中庸十有九表忠  
觀諸碑十有四傳校崇隆年間余教諭浚洋池  
掘得表忠觀碑二塊尚是東坡  
手書元刻不知何時亡失十二塊大人有詩記  
之此碑共十四塊其餘或不確乎池之左右  
既訖工留君肅使者屬予記慨惟經書之在世  
如日麗天水行地不假形器而存與天地同悠  
久者也顧秦燔漢鑿之餘不絕如綫或出於意  
料之所不及有斯文之責者不得不憂託諸貞

石以壽於無窮亦維持世道計耳漢中郎筆跡已不可見唐長安石經實與臨安後先並美今長安故無恙而仁和學宮獨委棄至此凡吏於茲土者將不均有責哉夫高宗之爲君復讎撥亂慙德多矣史稱其博學強記繼體守文有足嘉者理宗之嗣統無足齒錄然能表章先賢崇正學變士習功不可少觀其所以圖不朽者而其所存可知已書家李斯鍾繇雖畔道而君子猶取其長歐虞以降殘碑裂石至一宮觀一浮屠之微世寶之如金玉矧茲文教所關非崇長

異端游心末技者比是固可重而高宗之書精  
麗有法置之名家中亦烏可棄哉抑又聞長安  
古石刻尚多散漫不一往往爲都民鑿鑿以至  
磨滅宋韓縝修灊橋督工急民磨碑石以供罹  
此二厄存者遂鮮後直移至西安郡庠保全至  
今夫寺塔之厄略同灊橋而郡學之遷其設心  
行事正相類雖物之興廢有數然振厲修改每  
存乎其人必有儒者之心而後能及此其他非  
唯不肯爲亦固有不暇爲者宋君讀書好古其  
所猷爲務闢風教留君志足以承上才足以濟



世而任勞於下又有通判喬君故一指畫之間而百年之廢墜以集是固可書而謂後之人有復不能嗣守而保厥成者則非今日之所知矣  
正德十二年秋七月日立

玉海紹興十三年內出御書左氏春秋及史記列傳宣示館職秘書少監秦熺以下作詩以進六月內出御書周易九月四日上諭輔臣日學寫字不如便寫經書不惟可以學字又得經書不忘既而尚書委知臨安府張澄刊石頌諸州學十四年正月出御書尚書十月出御書毛詩

十六年五月又出御書春秋左傳皆就本省宣  
赤館職作詩以進上又書論語孟子皆刊石立  
于太學首善閣及大成殿後三禮堂之廊廡

繫年錄十三年十一月丁卯秦檜奏前日蒙付  
出御書尚書來日欲宣示從臣時上寫六經語  
孟皆畢因請刊石于國子監仍頒墨本賜諸路  
學宮詔可 瀋熙四年二月十九日詔知臨安

府趙磻老於太學建閣奉安石經置碑石於閣  
下□墨本於閣上以光堯石經之閣爲名朕當  
親寫參政茂良等言自昔帝王未有親書經傳

至數千萬言者不惟宸章奎畫昭耀萬世崇儒  
重道至矣上曰太上字畫天縱冠絕古今五月  
二十四日樞老奏閣將就緒其石經易詩書春  
秋左氏傳論語孟子外尚有御書禮記中庸大  
學學記儒行經解五篇不在太學石經之數今  
按訪舊本重行摹勒以補禮經之闕從之六月  
十五日御書光堯御書石經之閣牌賜國子監  
元史申屠致遠傳西僧楊璉真伽作浮屠於宋  
故宮欲取高宗所書九經石刻以築基致遠力  
拒之乃止

石經歌

有序

昔宋太宗嘗曰朕退朝觀書外留意字畫雖非  
帝王事業不愈游畋聲樂乎迨後高宗亦曰寫  
字要寫書不惟學字又得經書不忘紹興二年  
宣示御書孝經繼出易詩書春秋左傳論孟及  
中庸大學學記儒行經解五篇總數千萬言刊  
石太學淳熙中孝宗建閣奉安親書扁曰光堯  
石經之間新安朱熹修白鹿書院奏請大帝石  
經本是也元初西僧楊璉真伽造塔行宮故址  
取碑石壘塔杭州路官申屠致遠力爭而止後

因改學爲西湖書院歲久閣廢石經斷折零落  
洪武中移仁和學於書院然石經久廢人莫知  
留意也宣德元年夏余出按于杭觀之慨歎迺  
屬郡守盧君玉潤率教官生徒四散收拾得全  
碑若干碎折若干一一補鑿共得經碑百片輦  
置殿後及兩廡見者驚歎因作長歌備載其事  
云

思陵避敵東南隅臨安建國稱行都投戈講藝  
事經術諸經語孟威親書字形僅比黃庭小楷  
法欲與爭先驅宸章赫奕麗霄漢鸞翔鳳翥昭

神謨宰臣敷奏勒琬炎工徒竭蹙爭奔趨琢成  
豐碑凡二百一一摹刻無遺餘身高八尺廣踰  
半上圓中直安方跌列藏成均首善地要令萬  
世瞻弘模瀉熙紹統構傑閣覆蓋護惜同璠璣  
嘗令良工打石本散布學校周寰區炎精墮海  
宋社屋胡元徙宇崇髡徒豪酋楊璉媚姦相走  
昇碑石營浮圖路官申屠力爭止改立書院名  
西湖陵夷百年閣既毀石經倒折誰匡扶小者  
措墻布行徑大者顛倒橫溝渠遂令至寶逢汚  
蟻誰復張眼來睢盱嗟予好古生何晚忝官六

察乘輅車仁和邑庠偶得見對之不覺成歎歔  
岐陽之鼓久已沒東都石經今亦無俗流愛好  
蘭亭刻視此何啻天淵殊急命郡守集吏卒手  
昇繩拽來庭除爬沙剔洗去垢穢灰黏鐵鈕相  
聯拏尋行數字共合轅安置長廊寬更舒東西  
峙立無杌榧深簷蓋護何他虞零殘塊礫埋殿  
後免遭賤辱居泥涂當今聖明御四海嚮用經  
術崇文儒浙江大府列藩臬聖人謨訓當宏敷  
我歌石經示來者立言雖鄙良非誣

宣德二年歲在丁未秋七月朔旦巡按浙江監

察御史海虞吳訥識

右碑高三尺一寸廣一尺八寸楷書二十行  
每行三十九字字徑六分

宋理宗御書道統十三贊 皇帝御製御書

碑額篆書三行

字徑三寸

伏羲

繼天立極 爲百王先 法度肇建 道德純前

八卦成文 三墳不傳 無言而化 至治自然

堯

大哉帝堯 盛德巍巍 垂衣而治 光被華夷



聖神文武 四岳是咨 揖遜之典 萬世仰之

舜

於皇聖德 至孝盡倫 所以爲大 樂善取人  
惟精惟一 帝心之純 垂拱無爲 堯道是循

禹

克勤於邦 烝民乃粒 麻數在躬 厥中允執  
惡酒好言 九功由立 不伐不矜 振古莫及

湯

順天應人 本乎仁義 以質繼忠 匪曰求異  
盤銘一德 桑林六事 人紀肇修 垂千萬世

武王

受天眷命

繼志前人

遐邇悅服

偃武修文

惟賢是寶

法度彰明

建用皇極

爰叙彝倫

周公

美哉公旦

翼輔成周

施兼四事

才藝俱優

制禮作樂

惠澤敷流

有大勳勞

宗社延休

孔子

聖哉尼父

秉德在躬

應聘列國

道大莫容

六藝既作

文教聿崇

今古日月

萬代所宗

顏子

學冠孔門 德行科首 聞一知十 若虛寔有  
樂道單瓢 不易所守 趨步聖師 矚乎其後

曾子

守約博施 反躬三省 孝爲德先 祿仕不忍  
聖道正傳 意會神領 一唯忠恕 門人深警

子思

閒居請問 世業克昌 可離非道 孜孜力行  
發揮中庸 體用有常 入德樞要 治道權衡

孟子

生稟淑質 教被三遷 博通儒術 氣養浩然

深造自得 亞聖之賢 高揖孔氏 獨得其傳  
右十三碑連額高四尺一寸廣一尺九寸楷  
書四行字徑三寸

元聖旨碑

篆 額 詔 旨 二字平列 字徑五寸

上天眷命

皇帝聖旨蓋聞先孔子而聖者非孔子無以明  
後孔子而聖者非孔子無以法所以謂祖述堯  
舜憲章文武儀範百王師表萬世者也朕纂承  
丕緒敬仰休風循治古之良規舉追封之盛典

加號大成至聖文宣王遣使闕里祀以太牢於  
戲父子之親君臣之義永惟聖教之尊天地之  
大日月之明奚罄名言之妙尚資神化祚我  
皇元主者施行

大德十一年七月

日

上層隸書十三  
行字徑五寸

惟夫子集羣聖大成垂教萬世雖追崇之典  
屢臻未有備其極者皇元大德丁未始加大  
成之號其所以致褒稱之隆蔑以尚矣後二十  
九年儒學提舉臣余謙副提舉臣陳旅謂明  
詔之頒它郡邑學院皆勒諸石而茲獨缺焉於

是臣謙爲隸古書之俾刻樹廟門用揚休命昭  
示於無窮厥惟懋哉 至元二年丙子歲秋九  
月甲子西湖書院山長臣陳泌拜手稽首謹書

右下層楷書十  
七行字徑五分

元西湖書院重修大成殿記

篆額五行  
字徑三寸

西湖書院本故宋太學其初岳武穆王飛之第  
也歲丙子學與社俱廢至元二十八年以其左  
爲瀾西憲司治所其右先聖廟在焉三十一年  
東平徐公瑑爲肅政廉訪使乃即殿宇之舊改  
建書院置山長員主之先是西湖鎖瀾橋北有

三賢堂祀唐杭州刺史白文公居易宋和靖處士林公逋知杭州事蘇文忠公載於是奉以來祠之元統二年秋大成殿東南角壞葺之者不良於謀因盡撤而治之費浮而物竄功未集而逋已積泌來承乏竭歲入不足庚養既弗贍教於何有翰林余公謙國子助教陳公旅提舉江瀾學事蓋深憂之至元元年乙亥秋魯郡胡公祖廣繇江西行省叅知政事來爲肅政廉訪使凡工價之未庚者日訴于庭乃詢于提舉提舉白其狀胡公矍然以爲己任即檄真定萬戶府

鎮撫符公倫覈寔其費去其浮三之一時浙東  
道宣慰使鐵木哥公來監憲司事治書侍御史  
衛郡李公嘉賓參知江淞省事胡公與之謀俾  
儒司以淞右郡縣學書院羨財助之憲司經歷  
程公文輝知事徐公宗仁咸輔成之憲史忽都  
海牙承贊唯力於是宿逋清而繕修之事備矣  
乃扁三賢祠曰尚德徐公祠曰尚功列志仁集  
義達道明德四齋以居多士立大小學以迪後  
進闢思敬齋以爲舍采致齋之所旣成士子言  
於泌曰子之至不幸承前人之弊以弗宜于教



養幸茲底寔其可忘所自乎宜紀諸石嗟乎聖  
人之道與天地同流無適不在學者來游於湖  
上心遡乎泗沂鳶飛魚躍各造其極聖謨洋洋  
固在是矣若三賢所以得祠者亦以其立朝風  
節與隱居以求其志皆有關於世教也然則篤  
意于是役者豈無所謂而然哉於是乎書至元  
二年夏五月朔山長陳泌記賓序前本院山長  
承務郎平江路吳縣尹陳恕可主奉將仕郎建  
德路總管府知事孔文學教導黃彝謝瑛儒職  
張慶孫張榮老直學張處仁儒人陳珪陳永錫

范繼孫陳垵孫沈富仁顧昌大范儉孫魏必明  
殷宏毅吳禎盛明德等立石司吏吳元澤刻者

謝文炳

右碑高五尺廣二尺九寸正書二十二行行  
三十一字字徑一寸二分

元重建廟學碑

杭州路重建廟學之碑

承務郎江淵等處儒學提舉王大本爲文

光祿大夫江淵等處行中書省平章政事提  
調行宣政院事江淵都財賦事康里慶童書

通議大夫江東建康道肅政廉訪使周伯琦

篆額

皇元既屋宋社稷大一統而臣萬方置江瀚行  
中書省于杭以鎮撫其民而封建厥福乃即宋  
京學爲杭州路儒學而省憲率郡有司以告朔  
謁謝於斯以春秋釋奠於斯以育才羞耆而興  
賢論秀於斯於是杭學遂爲一行省首善之地  
而非他路儒學所可昆弟語矣自時厥後有廢  
有興或仍其舊貫或因而改爲其規制位置猶  
未克丕變視雄藩大關外執政之居命之教而

爲學者爲弗稱不有君子其孰能立隆教基於  
虐餒灼天之後作新士氣爲儒林拔萃之舉乎  
至正十有二年弄兵之盜濫觴於河南而橫流  
於江表既三關不守直抵杭城待暴不豫民無  
固志遂焚蕩我省治延燎我比閭而杭之廟學  
毀焉曾無一瓦之覆簷業窘於煨燼石經委諸  
焦土屬戎務方殷未遑興復士類無所依歸彝  
倫失厥攸叙否傾而覆圯極而崇所以默相斯  
文者天意固有所屬矣 朝廷以杭實東南甲  
郡地大人衆供給浩繁師帥之重每慎厥選十

又三年癸巳之冬 制授中大夫杭州路總管

康里公實來既視篆釐務作而言曰興舉學校  
承流宣化之大者也其可諉以百姓新免毒蠹  
瘡痍未瘳而謙讓未遑乎既以其事具牘行省  
移文憲司示不敢專遂經始度地略丈數物土  
方揣高卑議遠邇左廟右學一循國學之制攻  
位而位成乃量功命日須材計備慮財用儲餼  
糧遴工師量事期以令役于有司首建禮殿尊  
祀 先聖先師東西兩廡從祀位焉丹楹刻桷  
清廟有嚴金榜朱扉戟門斯闢煥前規而高廣

宏壯視舊址而恢廓平寬信乎垂憲萬世賢於  
堯舜人存政舉道隆則從而隆者矣先是外之  
右櫺星門距戟門為不遠至是則徙遷而南其  
深入丈有奇由公買地以拓充之也若夫學校  
之建則明倫之堂宏敞高亮以隆迪教講道之  
原設大小學四齋以嚴受業辨惑之會庖湏有  
所倉庾有居先賢后土有祀來朋見賓有門中  
唐有甃泮水有梁而學校之制大備焉蓋經始  
於十四年之五月而落成於明年之五月是役  
也行省憲司咸樂善以成其美倡義以佐其費

同寅協恭懋相斯役府判官張公思誠則又爰始爰謀爲之矩矱而興其規程也予謂郡縣有學學必有廟而杭之廟學乃卓犖輪奐於極廢大壞之後一時釋老之宮燬於回祿者衆矣其徒悉力化誘皆蓄縮弗克有爲賢太守抗志作新卓卓自任學計幾何而能化約而裕多助之至非有福田利益以歆動之也信乎聖人之神於昭在上如日月麗天照臨之下莫不心開目明樂成其美先師有相之道則五星之芒寒色正者也秉彝好德固人之所同人道敏政地道

敏樹於賢太守之有猷有爲良足徵焉公名帖  
木列思字周賢康里氏故平章軍國事贈純誠  
佐理同德翊戴功臣追封東平王之孫陝西行  
中書省平章政事忠定公之子世篤忠貞勳業  
行寔載在國史 公累遷清要而居是任觀其  
勇於見義樹功吾道而克濟其美淵源有自來  
矣杭之人士相與言曰是舉也官無廢事民不  
知役而吾黨與有光焉其可無述以救公功乃  
斲石樹碑以圖不朽予寔提學江淞徵予文以  
志之不敢以庸陋辭繫之詩曰



維昔盛時 建學立師 以立治本 以崇化  
基 學必有廟 聿嚴忠祀 重簷複殿 神  
靈爰處 東南都會 甲郡惟杭 首善之地  
萬民之望 更化云初 未遑改作 因陋既  
久 靡究靡度 斯學斯廟 具體而微 廢  
興殊致 倚伏一機 變生不虞 竟燬于盜  
燬燼灰寒 孰念厥紹 天錫賢侯 維蕃維  
宣 嘉惠斯文 不忘不愆 乃亨其屯 乃  
傾其否 瓦礫之場 化而棟宇 昔黯今煥  
昔圯今崇 多士稽首 太守之功 我為銘

詩 勒此貞石 宣昭義聞 永永無斁

至正十五年 月 日杭州路同知朵羅歹治  
中成大用判官張思誠推官楊維經歷王明善  
知事丁鉞照磨解復郡史楊迪郎玠沈傳王維  
賢王天瑞東南錄事達魯花赤阿老瓦丁吏完  
顏本仁教授賈天祐學正胡黼學錄楊英直學  
鄒斯永學吏計禹疇夏文裕立

右碑高六尺四寸廣三尺八寸楷書三十一  
行每行五十四字字徑一寸

元重建廟學碑

杭州路重建廟學記

翰林待制奉政大夫兼國史院編修官

孟防撰

承事郎江淵等處行樞密院經歷林鏞書

榮祿大夫江浙行宣政院使廉惠山海牙篆

額

至正辛丑冬十一月 宣聖廟火學宮齋舍罄  
爲焦土江淵省丞相達識帖木邇平章張士信  
大懼教弛乃召郡侯夏思忠曰二帝三王之盛  
命契爲司徒敷五教周建辟雍經世迄今君天

下者相承不墜所以明人倫厚風俗培植後進  
爲它日治平之用其來尚矣又 朝廷以六事  
課守令殿最學校居先庸可緩乎侯曰斯牧伯  
之職也丞相首出白金爲兩五十錢以錠計若  
千平章給米以石計若干太守割俸金鄉義發  
私藏皆樂爲佐役費雖一木一瓦不徵於民於  
是躬率羣僚虔卜穀旦鳩力僦功荷畚鍤輦灰  
燼瀉材於河伐石於山趣梓人據式圖其製匠  
師執尋度其用廣袤合度修短適宜斤者斲刃  
者削巧者施其巧力者輸其力拓垣堦以宏其

基積土石以隆其址禮殿巍峙衡爲閒五縱如  
之而差淺夾室廡序合應門爲閒五十有七飾  
以金碧錯以丹堊闌檻旁午陞戟森豎廟貌端  
肅儼若在上采服施彰悉遵儀制從祀諸賢世  
次位列百一十九人衛以朱禦門之南東西相  
向各構室四楹爲三獻監禮官幕次又少南爲  
門二楹題曰泮宮門之衝鑿泮瀦水若玦跨石  
梁於上以便往來又少南爲朱門三表王儀也  
廟之東爲神厨其楹四西爲明倫堂計閒七厦  
如堂數軒少堂之四設講席以嚴師道左右齋

儀門及別門爲閘三十有九堂之北構重屋三  
楹爲貯書所教授有廨正錄有居貢莊有粟師  
生有餼庖漏廩庫一無所缺尊罍爵洗簋簠俎  
豆之屬二千百有九鏞球琴瑟祝敔鼗鼓之屬  
若干皆如禮以定其數新禮生樂工服若干襲  
提編氓籍戶爲樂二十有八括其所費米石錢  
緡日工皆以萬餘計經始壬寅冬越癸卯秋就  
緒於戲是蹟也始以兩相孜孜興學之善終以  
賢侯暨暨究心之勤副以僚屬循循毗贊之力  
俾四代之制翦焉一新其雄偉壯麗甲東南爲

傑觀者可謂知爲政之先務無媿德於他郡矣  
抑嘗惟之時有理亂事有難易抗爲故宋行在  
所當承平之殷民庶物阜有志於斯者尚慮不  
易矧橫羅兵燹之餘師旅未戢彼圖功利於一  
時惜治體而瑣瑣者方視爲不切苟非才大夫  
之有能有爲知教道結人心之不淺者顧能先  
樂育菁莪之地躋髦士於成德達才之域哉君  
子是以知夏侯之優於爲治也予姑叙興造顛  
末之寔刻諸珉告後來者之無壞至於贊夫子  
之道則凜乎先儒愚惑之誅故不敢輕言以及

時董工持總者杭州路治中李脫歡奉直知事  
韓元璧照磨姚翥郡史陸巽朱珍督役者杭州  
路推官張鉞經歷劉良臣嘉興路知事張昇將  
仕郡史梅君禮受記材料者東北隅典史鍾德  
王敬知肖 聖像者諸暨州知州齊雲漢奉訓  
郡史徐元璧皆與有勞焉同任勞者教授別貼  
達理月沙學正姜讓直史孫復可陳榮祖張元  
英

至正二十四年 月 日杭州路達魯花赤佉  
烈失亞按攤不花承德薛爾吉思杭州路總管



高禮臣中陳忠奉議同知梅英治中樊玉奉議  
□□立石

右碑高六尺廣三尺二寸楷書二十七行行  
五十字字徑一寸

上闕

武林金刻

金塗塔

宋周文璞金塗塔詩白石招我入書齋使我速  
禮金塗塔我疑此塔非世有白石云是錢王禁  
中物上作如來舍身相飢鷹餓虎紛相向拈起  
霧山受記時龍天帝釋應惆悵形模遠自流沙  
至鑄出今回更精緻錢王納地歸京師流落都  
在西湖寺錢王本是英雄人白蓮花見國王身  
蛇鄉虎落狗腳朕何如錦袍玉帶稱功臣天封

武林金石記卷三

出陳吳氏選金石叢書

坼開卽退聽兩浙不聞笳鼓競歸來佛子作護  
持太師尚父尚書令一枚傳到白石生生今但  
有能詩聲同袍方外銛師兄哦詩禮塔作佛事  
同喫地爐山芋羹何曾薰陸綺牀供但見相輪  
銅綠明哦詩禮塔猶未畢蘆葉低飛山雨濕

朱竹垞書錢武肅王造金塗塔事云寺塔之建  
吳越武肅王倍於九國按咸淳臨安志九廂四  
壁諸縣境中一王所建已盈八十八所合一十  
四州悉數之且不能舉其目矣當日嘗於宮中  
冶烏金爲瓦繪梵夾故事塗之以金合以成塔

鄱陽姜堯章得其一版乃如來舍身相陽穀周  
晉仙賦長歌紀其事有云錢王本是英雄人白  
蓮花見國王身蛇鄉虎落狗腳朕何如錦袍玉  
帶稱功臣攷羅平僭號王遺董昌書曰與其閉  
門作天子九族塗炭不若開門作節度使終身  
富貴無憂晉仙即演其辭使聞者足戒此詩人  
之善於取材者已鄉人蔣爾齡亦得一版作放  
下屠刀立地成佛相以施城東白蓮寺僧吾友  
周青士所目擊者以語予及予歸田則爾齡青  
士皆逝詢之寺僧堅不肯承真跡不可復覩遂

書其事附以晉仙之詩冀此瓦未鏤好古之君子或一遇焉

淨慈寺鐘

芝園後集云洪武十一年十一月造宋濂銘

淨慈寺新鑄銅鐘銘

有序

前翰林學士承旨金華宋濂造

皇明洪武十一年冬十有一月庚寅杭之淨慈報恩禪寺住持夷簡重治鐘樓成復聚銅二萬斤鑄鉅鐘懸之用物甚弘皆比邱安靜善立化斂所致夷簡請爲銘與鐘相爲無極銘曰

南屏之山中有梵宮新作鉅鐘聲震太空一音  
普被如佛住世乘戒圓融勝名無滯人天龍鬼  
莫不能聞所聞既泯始顯本真昔觀世音由聞  
而證圓通三昧廓然正定矧其神明闡闢化衡  
攝其陰趣升爲陽明聞聲而覺覺我元性我性  
本空執覺亦病今三大士成斯勝因以考以擊  
以警昏聩天光發舒化佛湧出我鐘熾然共宣  
妙法

尊勝寺鐘

客杭日記在鳳凰山尊勝寺瀉熙改元曾觀篆

銘

上天竺鳴陽樓鐘

天竺山志在寺左鐘樓刻紹興七年二月鑄賜  
住持應如管領

西天元興寺銅鐘題記

今鐘在烏龍廟

太師開府儀同三司上柱國錄軍國重事中書  
右丞相和寧忠獻王脫脫爲江浙等處行中書  
省左丞相時以開山住持僧西天高達摩實理  
板的達之請於延祐己未春三月建西天寺至  
正壬辰燬于火戊戌王之子儀同三司江浙等

處行中書省右丞相兼知行樞密院領行宣政院事節制諸軍便宜行事達識帖睦迺顧瞻感慨捐俸鼎創以繼先志更扁山曰清平寺曰西天元興同祈皇帝萬歲皇后齊年皇太子千秋風調雨順國泰民安提點僧公哥古魯住持智明普照大師依仁屹刺識巴講主監造朝列大夫同知浙東道宣慰使司副都元帥于應辰大元至正十八年十月初三日置

書史會要云達識帖睦迺字九成康里人官至江浙行省封太尉好讀書能詩大字學釋溥光



小字殊有口力

厲太鴻元西天元興寺鐘題名跋云西天元興寺在吳山西南清平山之東與鳳凰山相接宋故宮芙蓉殿也元仁宗延祐六年己未江浙行省中書左丞相贈太師和寧忠獻王康里脫脫爲西僧高達摩寔理板的達建初扁曰西天至正十六年壬辰燬於火子達識帖睦爾仍爲是職捐俸鼎創以繼先志扁山曰清平寺曰西天元興寺僧公哥古魯依仁屹刺識巴等題紀其事於鐘上蓋鑄鐘之年卽紉寺之年也按元史

康里脫脫世祖時入宿衛於武宗仁宗有定策  
功曾輔武宗爲中書右丞相至大四年仁宗卽  
位出爲江浙行省左丞相開杭城通江河以便  
商旅明許復齋作元史闡幽惜其澤不廣於天  
下而獨被於吾浙賢相不竟其用仁宗之過也  
其子達識帖睦爾以至正七年來爲行省平章  
兼知行樞密院許以便宜行事是時江淮盜起  
使爲達識帖睦爾者輯和民人訓練軍寔繕城  
池以固圍選將材以禦敵收苗軍之用而撫以  
威信識淮張之詐而討以大義則紅巾可無躡

浙之虞白駒可無據杭之禍奈何賄賂滋彰庸  
懦日甚始則倚完者爲重以拒士誠終則受士  
誠之欺而殲完者卒致薇省沸狼禾中歛鳩生  
無功以報國死何面以見父烏在一寺之建能  
繼先志耶貢禮部師泰玩齋集有建寺碑載高  
達摩寔理板的遶居山中久一旦拂袖去莫知  
所之後有見之秦隴間者蓋已百餘歲矣達識  
帖睦邇重建時又於殿左剏屋四楹奉祠先王  
割田供祀皆可補此記之缺夏大理時正成化  
杭州府志云宋故宮寢殿基爲尊勝寺和寧門

基爲般若寺後殿基爲小仙林寺垂拱殿基爲  
報國寺與元興而五至正壬辰七月寇至郭萬  
戶屯羅木橋東營與對敵市民咸登望江亭以  
覘寇退命軍士焚之是寺之燬卽至正十六年  
士誠逼杭達識帖睦爾棄城潛遁時也既燬而  
剏僅及期月士信且拆白堊以築城五寺又遞  
湮矣今遺址已不可攷獨鐘存萬松嶺烏龍社  
廟中題字陽文在欒間上下俱鑄作蒙古字吾  
友丁處士敬身拓得墨本命予考證予嘗登鳳  
山之原空林智井觸目蒼涼不謂鐘簾尚留兩

朝廢興之感備焉故爲之書

武林金石記卷三終

武林金石記第四卷

錢塘 丁 敬 敬身

梵寺經幢

霽隱寺經幢

新建佛國寶幢願文

左幢

蓋聞慧炬西然法雲東被眷言

興建寔煥

簡編我 國家裂壤受封帶河礪嶽既勤 王

而繼世諒荷 寵以乘時言念 真宗幸懷

多福於是旁搜勝景廣闢宏規築湖畔之山岡

構城西之佛閣莫不遐森杞梓妙選榱桷營窳

漢之基垆列倚天之像設 釋迦化主中尊而  
高儼 眸容慈氏彌陀分坐而淨標 妙相仍  
于寶地對樹法幢雕琢琅玕磨翬琬琰勒隨求  
之梵語刊佛頂之祕文直指丹青雙分八面伏  
願興隆 霸祚延遠洪源受 霧貺於 祖  
先助 福禧於悠久軍民輯睦疆場肅寧 宗  
族以之咸康官僚以之共治四十八願永符法  
處之良因八十種好更倍曇摩之圓智得大堅  
固不可稱量凡在含生同躋覺路

天下大元帥吳越國王

建

時大宋開寶二年己巳歲閏五月

日正書十行每行

四十六字

### 大佛頂陀羅尼

右經文正書九十四行文繁不錄

新建佛國寶幢願文

右幢行款同前

隨求即得大自在陀羅尼神咒

右經文正書文繁不錄末書霧隱住持傳法慧明

禪師延珊於景祐二年十一月內移奉先廢

寺基上石幢東西二所歸寺前添換重建至

四年四月十日畢工謹題誌之



霧隱寺經塔

大佛頂陀羅尼

正書無題款經文同前

天竺寺經幢

佛頂尊勝陀羅尼經序

左幢

佛頂尊勝陀羅尼經

蜀賓沙門佛陀波利

奉詔譯序三十行經咒共三十行行七十字

正書

文繁不錄

尊勝陀羅尼石幢記

光文大德賜紫沙門

彙征撰

夫立幢之垂範乃造塔之濫觴刊梓刻檀嫌其  
易朽鏤金鐫碧慮以難蕪不若挺叱羊射虎之  
貞姿編貫玉聯珠之梵字可大可久如山如河  
尊勝陀羅尼者花藏貞心竺乾秘語濟善住七  
生之苦道關欲天感文殊一念之恩教傳漢地  
舟橫業海車指迷津息肩惡道之間提耳昏衢  
之內拯湮淪於歷劫延短折於浮生備載靄編  
久彰神應或置麗譙之內或安窳堵之中或勒  
在幢間或表之山上風觸而輕塵及物尚落罪  
花日臨而清影到身猶凋業蔓克行盛事綽有

善人佛弟子吳保容吳鐔雙驥標奇二龍並譽  
填笮合韻跗萼連芳耨情田而畢使豐登澄心  
水而無令混濁歟會首謂衆人曰給孤長者之  
園苑香山居士之林泉可以同構善門寄茲勝  
地獨營則其力不逮衆辦則厥功易成適募信  
人獲錢卅萬購之貞石命彼良工鑿勒精奇磨  
碧細麗蓮花捧日雲葉盤空層層異狀奇形宛  
如飛動面面真軀聖相忽謂經行仰窺鶴表以  
爭高側視鳩屨而競巧固可利霑家國福贊君  
親凡施資財皆列名氏承有爲之善力至無作

之真歸其次滯魄孤魂銜冤負累應念而皆期  
解網有心而皆使登車雖引善以及人終獲報  
以予已命予序述式紀歲時染逸少之鹿毛搗  
子雲之蟲篆文質包羞於君子辭華有覲於外  
孫且曰昔也鐵塔傳芳聞諸河朔今也石幢蕪  
事見之浙陽彼則受福於人寰此則誓心於佛  
道以今況古一何遼哉時乙未歲冬十二月壬  
寅朔十一日記 會首陳暉 施仁謙 阮

密 郭安 陸承謙 戚稠 章可徵 聞人  
性 唐伯訓 吳仁紹 錢德安 顧敬賢

沈允韜 吳保安 施仁慶 許漢規 嚴可

恂 錢師勇 保安都會首吳保容 吳鐔等

謹募衆緣保安 隨使當直廂虞候將作院副

將夏承裕捨銅鐸并火珠 造幢都料陸□

陶仁福 □□人沈□ 勾當人長直都子虞

候錢琛 徒弟僧景雲 典座僧景崇 都維

那景□ 首座僧彥昇 都勾當五百羅漢院

主沙門惠賓 供使衙書寶幢手殷承訓

吳越國王造

正書

右幢

大佛頂陀羅尼經

經咒共□十□行行七十字正書

文繁不錄

尊勝陀羅尼石幢記

文同左幢

勾當人長直都虞

候高璠

長直都子虞候盛琛

會首陳暉

施仁謙

吳保安

錢師勇

餘人姓名俱關

保安都

會首吳鐔

吳保容等謹募衆緣保安

當院

首座僧彥昇書幢記僧義月

都維那僧景安

典座僧景崇

都勾當五百羅漢院主沙門

惠賓

吳越國王造

大字正書

龍興寺石幢

傳按寺在武襄祥符寺之對面胡季良書法秀潤行密字法茂滿多姿裝裱惟

有直幅校切不能

佛頂尊勝陀羅尼□妙□□濟難之□幢

右幢額十六字平列篆書

傳按倒薤文極奇妙亦是胡季良書

佛頂尊勝陀羅尼經序

經序不錄

佛頂尊勝陀羅尼經

經文不錄

右序十四行經五十四行行楷書

後題云開成二年正月一日建 建主鄭徹

同建造僧宗亮 同句當造幢吳中則 處士

胡季良書 都料匠吳興祝郁 弟咸刻字

奉為 國王太子輔相大臣州縣案察及多  
生父母十方施主法界有情重修此幢永充供  
養 大中五年八月二十四日建後列寺僧十  
三人同捨錢助緣人十三人幢腳刻姓名二百  
餘人字數繁多不及備錄

又經文後有梁乾化五年五月八日頭陀僧處  
道等重修建內有舍利五十四粒云云一行

厲太鴻題龍興寺石幢詩

六月十日同丁敬身石貞石游龍興寺觀唐開  
成二年陀羅尼石幢爲處士胡季良書



涼颿洗河橋斜景筍鞵踏青豆垂牆匡古寺門  
半闔千年十寶地湫隘屋廡雜九曲何處尋廢  
塹產鳴蛤石幢妙章草下有舍利納立神棒蓮  
趺光氣夜歎欲遂令婦子棲儼化梅檀塔吾儕  
好奇癖往往臭味合丁君尤勇銳辨證紛駁逖  
乍睹增雙明久讀繞三匝濡紙脫其文可供硬  
黃榻問年值唐季逾厯幾腰臘城中易黑灰此  
獨未摧拉瑩無苔蘚生古色對磨杓許醉聲聞  
酒乘月再提榼

自注 寺為梁發心院唐改龍興宋改祥符

在杭州城西舊基廣袤九里後漸沒入民舍  
石幢在夾牆空塹中明季忽放異光居人捨  
宅重建去今祥符寺里許矣 王鞏隨手雜  
錄云錢王有外國頗眩伽寶方尺餘狀如水  
晶置龍興寺佛髻中皇朝改爲太平祥符寺  
自唐至皇朝凡有十寶此其一也 東坡有  
祥符九曲觀燈詩

梵天寺經幢

建幢記

左幢行書八行每行三十五字字徑一寸二分

竊以奉 空王之大教尊阿育之靈蹤崇雁塔

於九層衛鴻圖於萬祀梵剎既當於圓就寶幢  
是鎮于方隅遂命選以工人鑿於巨石琢鞭來  
之堅固狀湧出之規儀玉削雙標花雕八面勒  
佛頂隨求之加句爲塵籠沙界之良因所願  
家國恆康封疆永肅 祖世俱乘於多福宗親  
常沐於慈恩職掌官僚中外寧吉仍將福祉遍  
及幽明凡在有情希沾妙善

乾德三年乙丑歲六月庚子朔十五日寅日記  
立

天下大元帥吳越國王錢俶建

大佛頂陀羅尼經

經文不錄

建幢記

右幢記文行款同前

大隨求卽得大自在陀羅尼神咒經

經文不錄

淨化寺經幢

在水樂洞

佛頂尊勝陀羅尼經

經文不錄

紹熙壬子三月癸酉朔二十二日甲午內侍武

功大夫主管佑神觀李棗建

小楷書內止二面微可辨

虎跑寺經幢

佛頂尊勝陀羅尼經

天福六年立

小楷書末有建幢記行書大字文多不可識

觀音寺石幢

加句尊勝咒

吳越保大三年乙酉十一月八日婺州浦江縣

胡氏女建

武林經刻

金剛經

在六和塔

金剛般若波羅蜜經

依經文分三十二段  
正行各體書不著名

昔熙甯盛時賈文元公與名德者

舊三十有二人爲僧智利悟明共

書金剛經壹卷

四方拱廡

六和塔主僧

智曇請于

親貴鉅公接踵前規同寫此經刻  
右跋僅存六行八分書字徑五分

觀世音經像碑

在六和塔

佛說觀世音

前有圓光小像經文小楷書徑二分

已定居士董仲永向施小字觀音經後以湮沒  
遂成中輟今復命工刊經於石用廣其施又求  
得菩薩妙相李伯時墨本同刻諸石作無盡施  
仲永合掌說偈贊曰

真觀清淨觀

廣大智慧觀

悲觀及慈觀

常願常瞻仰 數佛功德上祝

今上皇帝聖壽無疆

二聖早還京闕 天眷共保千祥四海晏清兵

戈永息風調雨順國泰民安法界衆生同霑利

祿時紹興二年歲次壬子中元日記

前住廬山三峽雲屋叟曉常勸緣

石刻四十二章經

佛說四十二章經

第一特進尚書左僕射同中書門下平章事吳

興郡開國公沈該

第二段 左正奉大夫守尚書右僕射同中書門下  
平章事縉雲郡公湯思退

第三段 左中大夫知樞密院事陳誠之

第四段 左中大夫叅知政事陳康伯

第五段 左太中大夫同知樞密院事王綸

第六段 左太中大夫權吏部尚書賀允中

行書

第七段 左朝請試尚書吏部侍郎史館修撰兼侍

講葉義問

第八段 左朝請試尚書兵部侍郎兼侍講兼直學



士院楊椿

第九段 左朝散郎試給事中兼直學士院兼同修

國史周麟之

第十段 左朝散郎試中書舍人兼權樞密院都承

旨洪遵

第十一段 左朝散大夫充敷文閣待制提舉佑聖觀

楊傑

第十二段 右朝奉大夫權尚書吏部侍郎沈介

第十三段 左中奉大夫權尚書戶部侍郎趙令詔

第十四段 左朝奉大夫權尚書禮部侍郎兼侍講孫

道夫行

書

第十段 左朝請郎權尚書工部侍郎王踈亮

第十一段 左朝請郎權尚書刑部侍郎兼權詳定一

司敕令黃祖舜

第十一段 左宣教郎試起居舍人兼權中書舍人張

孝祥

第十一段 左朝請大夫太常少卿兼權中書門下省

檢正諸房公事宋棐

第九段 左朝請大夫守宗正少卿金安節

第十一段 右朝請郎守大理少卿李洪

第廿一段 右朝議大夫司農少卿董革

第廿二段 右中大夫行太府少卿錢端禮

行書

第廿三段 左朝奉大夫將作監張宗元

第廿四段 左朝請大夫軍器監張運

行書

第廿五段 左朝請大夫尚書吏部郎中楊朴

行書

第廿六段 右朝奉郎守尚書戶部郎中兼權金部郎

中莫濛

第廿七段 右奉直大夫尚書刑部郎中路彬

行書

第廿八段 左朝散郎守尚書工部郎中張廷實

第廿九段 左奉議郎尚書吏部員外郎兼權尚書右

司郎官周操

行書

第三十段

左朝奉郎尚書吏部員外郎兼國史院編

修官兼權樞密院檢詳諸房文字葉謙亨

行書

第一

左朝奉郎尚書吏部員外兼國史院編修

官胡沔

行書

第二

右朝散郎尚書司勳員外郎陳俊卿

第三

右宣教郎守尚書司封員外郎鮑彪

第四

左朝請郎尚書考功員外郎陳棠

第五

左朝散郎尚書禮部員外郎楊邦弼

第六段 左朝奉郎尚書□部員外郎兼權國子司

業張洙

第七段 右承議郎尚書刑部員外郎黃子澹

行書

第八段 左朝請郎尚書都官員外郎兼玉牒所檢

討官兼權戶部員外郎楊俊

第九段 左奉議郎守尚書比部員外郎沈樞

第十段 左朝請大夫行尚書屯田員外郎韓彥直

行書

第十一段 左承議郎秘書丞兼國史院編修官兼尚

書兵部員外郎虞允文

第四  
十二段

右奉議郎秘書省校書郎兼國史院編修  
官兼權尚書駕部員外郎洪邁

維神宗盛時文物彬彬鬱然有典謨之風是時  
搢紳鉅儒若富公弼賈公昌朝輩分寫金剛經  
刻琢堅珉三十二分至今蛟龍蛇蜃翱翔踴躍  
挹之而疑其飛去也恭惟盛時文章制作上跨  
三代下峙兩漢道術奇士輩推明盛典命智曇  
法師修六和塔以折海勢各分寫四十二章經  
鐫石龕山下作江湖間曠代絕無而僅有一勝  
事蓋散則一大藏演之不足聚則四十二章藏

之有餘其言與大易莊老相表裏旨哉淡而不  
隱中而不濫也迦葉竺法譯於前智圓訓於中  
駱偃序於後咸未足以傳其大哉惟衆賢舉墜  
典而一新之故夷齊雖仁得孔子而德益彰顏  
淵雖篤學附驥尾而行益顯是經雖微妙宏深  
際盛時而理益明其趨一也時聖宋紹興己卯  
冬十一月旦跋

西蜀布衣武燭撰

都勸緣住持傳慈恩宗教僧智曇立石

長明寺石刻心經

前刻大士立像

傳按心經  
今被竊

般若波羅蜜多心經

縱一尺橫二尺三寸楷書經咒并題共二十一  
行

清熙壬子八月二十日天台謝圭敬書

崇聖寺石刻諸經

佛說彌陀經

黃輝書

有跋

般若波羅蜜多心經 嚴大經書

佛說四十二章經 李流芳書

佛遺教經 金剛經 浴像功德經 七佛偈

俱嚴調御書



正本合不言卷四

十四 出陸吳氏選會金石叢書

金剛經

分三十  
二體

董其昌書

梵行品

沈鼎新書

信心銘

嚴武順書

證道歌

陸賁思書

嵩山警策

俞時篤書

武林金石記第四卷終